



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU HRVATSKE STRANKE PRAVA

Broj: 03-07-6-142/10
Sarajevo, 15. februar 2011. godine

SADRŽAJ

1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Hrvatska stranka prava prekršila je odredbe člana 8. stav (1) Zakona o finansiranju političkih stranaka.**
- 2. Hrvatska stranka prava prekršila je odredbe člana 11. stav (3) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska stranka prava nije iskazala prihode.

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	Ukupni prihodi:	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava. Skraćeni naziv: HSP.

Politička stranka je registrovana 10.04.1991. godine u Višem sudu u Mostaru, broj upisa R: 10/91, a nakon promjene sjedišta upisana je registar političkih stranaka Županijskog suda Široki Brijeg pod brojem R: 14/98.

Sjedište političke stranke je u Ljubuškom, Fra Petra Bakule 2.

Lice ovlašteno za zastupanje stranke je Zdravko Hrستیć, predsjednik stranke.

Lice ovlašteno za podnošenje finansijskih izvještaja za 2009. godinu je Zdravko Hrستیć.

Prema podacima iz godišnjeg finansijskog izvještaja za 2009. godinu, Hrvatska stranka prava nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske stranke prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je u prethodnom periodu izvršila preglede godišnjih finansijskih izvještaja Hrvatske stranke prava za 2006. i 2007. godinu, nakon kojih su izdati izvještaji o pregledu sa mišljenjem revizora, nalazima i preporukama.

Služba za reviziju je, takođe, izvršila pregled godišnjeg finansijskog izvještaja Hrvatske stranke prava za 2008. godinu, nakon kojeg je izdat izvještaj o pregledu sa mišljenjem revizora, nalazima i preporukama revizije. Prema mišljenju Službe za reviziju, Hrvatska stranka prava prekršila je odredbe člana 8. stav (1) i člana 11. stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka nije ispoštovala preporuke koje su date u izvještaju o pregledu finansijskih izvještaja za 2008. godinu, odnosno postupila je suprotno odredbama člana 8. stav (1) i člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

- a) Na osnovu obavljenog pregleda godišnjeg finansijskog izvještaja i dodatne dokumentacije utvrđeno je da je Hrvatska stranka prava prekršila odredbe člana 8. stav (1) Zakona o finansiranju političkih stranaka.**

Hrvatska stranka prava je za svoj rad, bez naknade, koristila poslovne prostorije koje su u vlasništvu Općine Ljubuški, čime je prekršila odredbe člana 8. stav (1) Zakona o finansiranju političkih stranaka.¹

- b) Stranka je prekršila odredbe člana 11. stav (3) Zakona o finansiranju političkih stranaka.**

Pregledom godišnjeg finansijskog izvještaja i dodatne finansijske dokumentacije Hrvatske stranke prava za 2009. godinu, utvrđeno je da je Hrvatska stranka prava prekršila odredbe člana 11. stav (3) Zakona o finansiranju političkih stranaka i člana 11. Pravilnika o godišnjim finansijskim izvještajima političkih stranaka jer nije u obrascu 2 godišnjeg finansijskog izvještaja iskazala podatke o sljedećim transakcijskim računima:

- 1610800003280026 otvoren kod Raiffeisen bank dd BiH², i

¹ Dopis HSP br. 04-06-10/325 od 04.06.2010. godine; Akt Općine Ljubuški br. 01-05-661/10 od 10.05.2010. godine i br. 01-05-661/10 od 08.01. 2011. godine.

- 33821002200226814 otvoren kod UniCredit bank dd.
Hrvatska stranka prava tokom 2009. godine putem ovih računa nije imala promet.

5.2. PREPORUKE

Preporučuje se Hrvatskoj stranci prava da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 8. stav (1) i člana 11. stav (3) Zakona o finansiranju političkih stranaka i to:*
 - *da ne prima zabranjene priloge, i*
 - *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Hrvatska stranka prava nije se očitovala na nalaze date u Preliminarnom izvještaju o pregledu godišnjeg finansijskog izvještaja za 2009. godinu.

Mr. Hasida Gušić, šef Službe za reviziju

Sanja Čabrilo, revizor

² Račun je ugašen 15.06.2009. godine.